

No. SP(K)/R-1 (COVID)/2020/
OFFICE OF THE SUPERINTENDENT OF POLICE
KOLASIB DISTRICT: KOLASIB

Dated Kolasib, the 26th May, 2020.

ORDER

Mizoram Sawrkarin Covid-19 hrileng avangin India ram hmun hrang hranga awm, Mizo-te Rel (Train) hmangin Mizoramah hruai haw turin a ruahman a, dt. 27.05.2020@ 10:30 PM hian Bairabi Rel Station-ah Gujarat leh Madhya Pradesh atangin Mizoram khua leh tui 600 vel(Za ruk) vel rawn thleng tura beisei an ni. Tin, Dt 28.05.2020 hian Karnataka atangin mi 1400(Sangkhat Zali) vel Bairabi Rel Station-a rawn thleng tura ruahman a ni bawk. Mipuite kan him zawk nan leh venhimna uluk taka kalpui anih theih nan a hnuai mi ang hian security arrangement siam a ni.

1. Rel pindan (Coach) pakhat zel kawngka (chhuahna) bul pawn lamah Police 01 (pakhat) zel an duty ang a, Rel pindan pakhat hian kawngkhar pahni a nei anih chuan kawngkhar pakhat zawk hi Rel a lo thlenin khar nghal tur a ni. Rel lo thlen hma in Rel Track (Rel tlanna) bulah lo awm lawk tur a ni. Rel a chuangte hi anmahni duhthua Rel atanga chhuah a rem lo a, screening an tih dawn hunah chauh Rel atangin an chhuak thei ang. Police duty phalna lovin Rel pindan (Coach) hi chhuahsan tir loh tur a ni. Rel-ah hian ei leh in pek nghal an nih dawn avangin Rel pawnah an eina bawlhhlawh paih phal a nilo a, bawlhhlawh bawm siam bikah chauh paih tur a ni. Rel pindan (Coach) hi 24 (Sawmhnih pali) awm tura ngaih a ni a, Police 24 Rel kawngka bulah an duty ang. Rel Coach atanga chhuk dan tur indawt hi aurinna hmanga puan zel a ni ang.
2. Rel atanga rawn chhuakte hi an screening tihna tur bik an pan lai, an intlar lai leh an hawna tur Bus-a an chuan thlengin Police duty ten enzuia vil reng tur a ni a, hei hi Liaison officer-te nen enho zel tur a ni. Passenger te hi Rel station area chhuahsan phal a ni lo. Rel pindan pakhata chuang leh a danga chuangte an infin loh nan leh screening Counter pakhata mi leh a dang screening counter-a mite an infin loh nan Police duty te hian an vil reng tur a ni. Medical Screening point hi 10 (Sawm) a awm a, heng screening point ah hian Police 10 (Sawm) an duty ang. Screening point-a Police duty te hian Rel Coach(pindan) atanga screening point rawn pante mumal takin an remfel anga, screening point pakhata tam/tem lutuk bikte an sem rual zel ang. Screening hi District hlat dan indawta neih tur a ni.
3. Vehicle Arrangement Team siam a ni a, Officer pakhatin a ho anga, mi 4(pali) an duty ang. District/Team hrang hranga chhuak tur Motor-te mumal takin an rem ang a, a chhuah dan tur indawt zelin an rem ang. Team tinte Bairabi Rel station atanga an chhuah dawnin an remfel anga, Team/District dangten an nghah reiloh nan an siam rem zung zung ang. Bus Driver te pawh control tur a ni ang. Motor te hi Dt 27.05.2020@ 5PM hmain Rel stationah an chhuah dan tur indawtin remfel vek tur a ni. A tul angin Driver-te hi briefing neih thin tur a ni.
4. District hrang hranga Bus kulturte an kalna tur District hming Bus-a bel tur DC Kolasib-in a din Transport Team ten an siam a, District te hi hetiang hian Team-ah siam an ni a:
Team-1 : Siaha, Lawngtlai
Team-2 : Lunglei, Hnahthial, Serchhip
Team-3 : Champhai, Khawzawl, Saitual
Team-4 : Mamit
Team-5 : Aizawl
Team-6 : Kolasib

Team 1(Pakhat) hi tihfel hmasak ber tur a ni a, Team No. indawt dan zelin passenger chuanna bus te hi chhuah an ni ang. Bus hi a zavaiin Gujarat leh Madhya Pradesh atanga lo haw te tan 42 (sawmli pahnih) Karnataka atanga lo haw te tan 70 (Sawm sarih) ni tura beisei a ni a, Police Escort party hi District tin tan Police 11(sawm pakhat) an kal ang a, District 1(pakhat) escort turin Police pakhat zel kalin Liaison officer motor-ah chuan tur a ni. District boundary, Mualkhang thleng escort tur a ni a, kawnglakah tuman an chuanna Motor an thlak theilo a, peng bo tur, thil leia ding tur leh motor tangkhang turte escort party te hian an vil reng ang. District boundary an thlenin passenger-te hi an kim leh kim loh OC Kawnpui PS in a lo enfiah ang a, district an chhuahsan hun leh tul dangte a report zel ang. Escort party te District boundary atanga an let lehna tur hi DC Office in motor a ngaituah ang.

5. Rel station area-a phalna nei lo midang an rawn luh loh nan a hmuna Police duty ten ven reng tur a ni. Railway crossing peng ah temporary barricade dah tur a ni a, hemi pel hian pawñ lam mi kaltir loh tur a ni. Hmun dang luh/chhuah theihna zawng zawng pawh enfiah vek tur a ni. Thil tul te chu OC Bairabi in a ruahman ang.
6. Bus-te hian FCI bypass road lamah kalin Bairabi leh Meidum inkarah stopping point siam a ni ang a, Team khat zel an inngkhakhawm ang. Hemi hmunah hian Sub-Inspector hovin Police 03 (pathum) an duty ang a, Bus a chuangte hmun danga an kal darh loh nan leh midang nen an inkalpawh loh nan an duty ang. Police duty Commander hian passenger zat(Motor wise) in a chhinchhiah anga, Stopping point atanga an chhuah hun zel a report ang. Rinhleh engemaw an awm palh chuan chumi chuanna motor chu a chhinchhiah bik zel tur a ni.
7. Police duty ten tangkhang lo hawte hawihhawm taka lo hmachhawn tur a ni a, chutih rualin social distancing tha taka an zawm theih nan mipui thunun (Crowd control) hi kan kutah a awm avangin fimkhur tak siin hneh takin an vil tur a ni.
8. Passenger tangkhang Mask vuah lo te vuah tura hriattir nghal zel tur a ni. Hei hi Rel atanga an rawn chhuk hmaiin Rel pindan pawna duty Police ten enfiah tur a ni. Passenger ten anmahni bungrua ngei an keng tur ani a, Rel coach(pindan) dang a mite nen an bungrua inkenpawlh loh tur a ni.
9. Rel Station Platform a duty-te (Rel coach kawngkhar bula duty, Screening point leh Rel coach inkara duty Police-te, Motor remfel tute) hi Mask leh PPE in an inthuan anga. Hand sanitizer pawh in rin vek tur a ni. Rain Coat ken vek tur a ni bawk. Mask leh handglove hi CMO, Kolasib lamin an ngaihtuah ang. PPE hi DC (K) Office in a ngaihtuah ang. PPE hi hman nawn tur a ni a, hman zawhah tihfai tur a ni a, pahlo tur a ni. Police duty dang te pawhin Mask vuah , social distancing leh kut silte an ngai pawimawh hle tur a ni.
10. Security arrangement atana thil tul zawng zawng chu Dt 27.05.2020 @04:00PM hmian peih vek tur a ni. Briefing hi Rel rawn thlen dan a zira neih a ni ang a, Rel station-a Police te thlenkim hun pawh Rel rawn thlen dan a zira inhriattir a ni ang. Briefing hi Pu C.Vanlalvena Addl. SP Kolasib in a pe ang. Chuvangin Police duty tur zawng zawngte engtik lai pawha biak pawh theiha, che chhuak thei tura inrin vek tur a ni. Stranded workers te rawn thlen lai hian Bairabi Rel Station-ah hian Pu C. Vanlalvena Addl. SP Kolasib leh Ketan Bansal, IPS, SDPO.Kolasib-ten Police Duty-te hi an vil tur a ni.
11. Bairabi PS a Police awm sa atangin mi 6 (paruk) Reserve party-a dah tur a ni. Duty te indaihlohna leh harsatna a awm chuan koh mai theihin an inring reng tur a ni.

12. He Security arrangement-a Police mamawh zat chu a hnuai a tarlan ang hi a ni e:

Sl No	Nature of duty	Total No.
1	Rel Pindan kawngka Security	24
2	Screening tur mipui (Crowd) control	10
3	Escort party	11
4	Stopping point duty	03
5	Platform-a Officer duty	04
6	Reserve Force	06
7	Vehicle Arrangement Team	04
8	Supervisory GO	03
	TOTAL	65

Police duty deployment kimchang chu Annexure-I ah tarlan a ni e.

He Security arrangement hi Pu C. Vanlalvena, Addl. SP Kolasib leh Pu Ketan Bansal IPS, SDPO Kolasib ten a hnuai a hming ziaktu kaihraina hnuai ah an enpui ang.

He Security arrangement hi Mizoram pawn atanga tangkhang lo haw, Bairabi Rel Station-a lo thlang an awm apiangin hman tur a ni a, Order hran chhuah a ni tawhlo ang a, Duty-na a mawhphurhna neitu zawng zawngte thu leh awm hma chuan he ruahmanna ang hian kal zel tur a ni.


(VANLALFAKA RALTE)
Superintendent of Police
Kolasib District : Kolasib

No. SP(K)/R-1 (COVID)/2020/

Dated Kolasib, the 26th May, 2020.

Copy to:-

1. IGP (L&O) Mizoram for kind information.
2. DIG (NR) Mizoram for kind information.
3. DC Kolasib for kind information.
4. CMO, Kolasib for information & necessary action
5. Addl. SP Kolasib for information.
6. SDPO (K) for information and necessary action.
7. SDC, Bairabi for information & necessary action
8. OCs KLB PS/BBI PS/KPI PS/ IC TRF. Cell, KLB for information and necessary action.
9. SI. Robert Zorema / SI. R. Lalchawiliana 1st IR Bairabi/ ASI. K. Lalfamkima for info. & necy. action.
10. Office copy.


Superintendent of Police
Kolasib District : Kolasib